

HIZKUNTZEN KUDEAKETARI LOTUTAKO PRAKTIKA ONAK JASOTZEKO FITXA

ERAKUNDEAREN DATUAK (eskatzen diren 5 eremuak bete mesedez)

Datu hauek eta praktika onen fitxa betetzerakoan, baimena ematen duzu goian agertzen diren eremuak eta betetako praktika onen fitxa Euskaliteko webgunean argitaratzera, modu irekian zabaldu daitezzen.

1. Erakundearen izena:	Kultura eta Hizkuntza Politika Saila
2. Sektorea:	Administrazioa
3. Langile kopurua:	165
4. Webgunea:	https://www.euskadi.eus/eusko-jaurларitza/kultura-hizkuntza-politika-saila/
5. Erakundearen jardueraren deskribapena: (produktu eta zerbitzu nagusiak, merkatua, bezero motak...):	Gure erabilera planak lankideengan du eragina, nahiz eta erakundea euskal gizarte osora begira dagoen.

Harremanetarako datuak

Eremu hauek hautazkoak dira. Datuak betetzen badituzu, webgunean azalduko dira bere horretan. Horrela, zure praktika interesgarria suertatu zaion erakundea zurekin harremanetan jarri ahal izango da:

Solaskidearen izen-abizenak:	Jabier Osés Azurmendi
Helbide elektronikoa:	jabizas@gmail.com
Telefonoa:	945118373

PRAKTIKA ONAREN AZALPEN LABURRA

1. Praktika onaren titulua:	Bost minutuko ikastaroa
2. Praktika onaren azalpena: Zer da? Zertan datza? Nondik dator? Zeintzuk dira onurak, lortu diren emaitzak?	<p>Egunero, goizean goiz, lankide guztioi bidaltzen zaien mezu elektronikoa da.</p> <p>Modu erakargarri batean, goizero euskararekin harremana izateko ekimena. Askorentzat, euskaraz lan egiten ez dutenentzat, euskararekin lotura ez galtzeko aukera polita da.</p> <p>Hiru zati ditu:</p> <ul style="list-style-type: none">- Gramatikari buruzko aipu bat.- Testu erakargarri bat- Bideo, argazki, musika, <p>Badira 14 urte hasi ginela egitasmoa honekin. Hasiera batean, saileko lankideei zegoen bideratua, baina gero zabaltzen joan zen, eta gaur egun hainbat erakunde publikok, pribatuk, eta hartzaile partikularrek jasotzen dute. 4000tik harpidedunetik gora dauzkagu zerrendan.</p> <p>Oso emaitza onak izan ditu, eta etengabe jasotzen ditugu harpidetzeko eskaerak. Zaila da jakitea zergatik izan duen arrakasta egitasmoak, baina seguru asko izan da produktuaren sinpletasuna eta erakargarritasuna.</p>

PRAKTIKA ONAREN INGURUKO DOKUMENTAZIOA, IRUDIAK, GRAFIKAK...

(Hemen itsatsi tresna/dinamika/praktikaren irudiak, dokumentuak, grafikak, eta abar.)

Adibide bat ipiniko dizuet, joan den astekoa. Egunero horrelako bat bidaltzen dut:

BOST MINUTUKO IKASTAROA

Euskararen Erabilera Sustatzeko Plana

Kultura eta Hizkuntza Politika Saila

KUDEAKETA AURRERATUA
EUSKALIT
GESTIÓN AVANZADA



KULTURA ETA HIZKUNTZA
POLITIKA SAILA
DEPARTAMENTO DE CULTURA
Y POLITICA LINGÜÍSTICA

Euskara hobetzen

ama

Iritzia

Amatasuna

Carolina Luzon

Argazkia

[Ama etorkina](#)

[Dorothea Lange](#)

Euskara hobetzen

ama

1 iz. Seme edo alaba bat edo gehiago dituen emakumea. (Pertsona jakin eta ezagun bat adierazten duenean, izen bereziek erabiltzen duten kasu marken sistema bera erabiltzen da gehienetan). *Ama bihurtu. Ama izan. Hiru seme-alabaren ama da. Gure amak zaindu zuen haurra. Ama Joakinak esaten zuen hori. Amaren gonapetik irten gabeko umea. Nolakoa baita ama, halakoa ohi da alaba* (esr. zah.).

2 iz. Ordena batzuetako mojei esateko era. *Ama Sorazu zumaiarraren bizitza.*

3 iz. Ume bat edo gehiago dituen animalia emea. *Animaliak badoaz bere amen ondotik. Bost txerrikume bere amarekin.*

4 iz. Iturburua, jatorria. *Lana da bertute guztien ama. Bizio guztien ama.*

ama-alaba iz. pl. *Ama eta alaba; ama eta alabak. Ama-alabak elkarri begira gelditu ziren. Berdinak zarete ama-alabak!*

ama besoetako iz. **Amabitxia (bataiokoa)**. Neure ama besoetakoaren izena jarri zidaten bataioan.

Ama Birjina iz. **Mariari, Jesusen amari, ematen zaion izena.** Ik. **amabirjina**. Arrateko Ama Birjina.

Ama Birjina Abuztuko iz. **Abuztuaren 15a, Ama Birjinaren jasokundea ospatzen den eguna.** Ik. **andremaria**. Ama Birjina Abuztuko, urtean bi aldiz balitz!

ama eskola, ama-eskola iz. **Eskolaurrea**. Ama-eskolan, 2 urtetarik 6 urte artekoak, 63 haur dira. Eskoletako liburuak dira, ama-eskolako eta lehen mailako ikasleentzat eginak.

ama esne, ama-esne iz. **Amaren esnea, bereziki gizakiona.** Gizakion ama-esnea gozoa da, gainerako animaliena ez bezala. Behi-esneak hiru aldiz proteina gehiago dauzka ama-esneak baino.

ama familiako iz. **Familia bat bere ardurapean duen emakumea.** Berrogei urteko ama familiako gaztea.

ama hizkuntza, ama-hizkuntza iz. **Umeak, berez, lehenik ikasten duen hizkuntza.** Erakundeetara jotzean, ama hizkuntzan aritzeko eskubidea dute.

ama nagusi iz. **Moja-komentu bateko burua.** Ama nagusiak komentuko sukaldariari hots egin zion.

ama ponteko iz. **Amabitxia** (bataiokoa). *Nire ama pontekoa izeba Miren da.*

ama-seme iz. pl. **Ama eta semea; ama eta semeak**. *Hartu zituen ama-semeak eta Israelera etorri zen. Ama-semeek ezin izan zuten elkarrekin hitz egin.*

[Euskaltzaindiaren hiztegia](#)

Iritzia

Amatasunari lotutako zailtasunak tabua dira oraindik?

Bai, zalantzarik gabe. Adibidez, gustatu ez zitzaizula esatea. Ez da politikoki zuzena esatea amatasunean dena ez dela polita. Nik haurdunaldi *perfektua* izan nuen, arazorik gabea, baina, hala ere, inbadituta sentitu nintzen, nire gorputza eta bizitza, lehen ezagutzen nuen bezala behintzat, galtzen ari nintzela sentitu nuen. Gero baditu gauza onak, noski, baina desberdina da.

Ematen du amok beti zoragarriak izan behar dugula, eta gure haurragatik beste guztiari muzin egiteko prest egon behar dugula. Eta ados, gure ardura da, baina, ama izateaz gain, beste gauza asko ere izan zaitezke.

[Carolina Luzon. Berria](#)

Ane Insausti Barandiaran

Arantxa Iturbek amatasunari buruzko [Ai ama!](#) liburua argitaratu zuen duela urte batzuk.

KUDEAKETA AURRERATUA
EUSKALIT
GESTIÓN AVANZADA



KULTURA ETA HIZKUNTZA
POLITIKA SAILA
DEPARTAMENTO DE CULTURA
Y POLÍTICA LINGÜÍSTICA

Argazkia



[Ama etorkina](#)

[Dorothea Lange](#)

KUDEAKETA AURRERATUA
EUSKALIT
GESTIÓN AVANZADA



KULTURA ETA HIZKUNTZA
POLITIKA SAILA
DEPARTAMENTO DE CULTURA
Y POLÍTICA LINGÜÍSTICA